

1. ხელშეკრულების დამდები მხარეები

ერთის მხრივ, საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N10, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის თია მელაძის სახით და მეორეს მხრივ,

მიმწოდებელი: შპს „კაბადონი+“; საიდენტიფიკაციო კოდი: 205186065;

იურიდიული მისამართი: ქ. თბილისი, ვაკე-საბურთალოს რაიონი, გამსახურდიას გამზ. 31ბ; ბ. 10ა;

ფაქტიური მისამართი: ქ. თბილისი, კოსტავას N68; ტელ: 240-90-87, 240-94-84;

დირექტორი: თეა გადაბაძე;

საბანკო რეკვიზიტები: ს.ს „თიბისი ბანკი“; ბანკის კოდი: TBCBGE22; ა/ა: GE78TB7390336020100001;

სახელმწიფო საიდუმლოებასთან დაკავშირებული საქმიანობის ნებართვის ნომერი №1031 ვადები: 09.08.2021 წლიდან 09.08.2026 წლამდე.

შემდგომში წოდებული „მიმწოდებლად“, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია: **შსს ლოჯისტიკის დეპარტამენტის მოთხოვნის უზრუნველსაყოფად, ადმინისტრაციულ სამართალდარღვევათა ოქმების შესყიდვა.** ინფორმაცია საქონლის დასახელების, ტექნიკური მახასიათებლების (იხ. ნიმუშები - დანართი N9; 4 (ოთხი) ფურცელი და დანართი N10; 3 (სამი) ფურცელი), რაოდენობისა და ერთეულის ღირებულების შესახებ მოცემულია მიმწოდებლის მიერ წარმოდგენილ ფასთა ცხრილში, რომელიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N1 - 2 (ორი) ფურცელი).

2.2 შესყიდვის საშუალება: ელექტრონული ტენდერი აუქციონის გარეშე **NAT220016814.**

2.3 ხელშეკრულების საერთო ღირებულება შეადგენს **6820** (ექვსი ათას რვაას ოცი) ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

2.4 კლასიფიკატორის კოდი: CPV-22450000 - ნაბეჭდი მასალა დამცავი შრეებით.

2.5 ხელშეკრულება ძალაშია 2022 წლის 13 სექტემბრიდან 2023 წლის 31 იანვრის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

3. შესყიდვის ობიექტის მიწოდების პირობები, ვადა და ადგილი

3.1 შესყიდვის ობიექტის მიწოდების ვადა: ხელშეკრულების გაფორმებიდან 2022 წლის 20 დეკემბრის ჩათვლით, ეტაპობრივად, შემსყიდველის მოთხოვნიდან **10 (ათი) კალენდარული დღის განმავლობაში.** შეტყობინება შესაძლებელია განხორციელდეს სატელეფონო ან/და ელექტრონულ ფოსტაზე შეტყობინების გზით.

3.2 შესყიდვის ობიექტის მიწოდების ადგილი: ქ. თბილისი, გულუას ქუჩა N10.

3.3 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

4. შესყიდვის ობიექტის ხარისხი

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს, შეესაბამება მიმწოდებლის მიერ შემსყიდველ ორგანიზაციაში წარმოდგენილ ნიმუშებს და დააკმაყოფილებს შემსყიდველის მოთხოვნებს.

4.2 ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია **3 (სამი) კალენდარული დღის ვადაში** გამოასწოროს იგი ან შეცვალოს ახალი შესყიდვის ობიექტით, შემსყიდველის მხრიდან დამატებითი დანახარჯების გაწევის გარეშე.

4.3 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე

უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3. შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებს შსს ლოჯისტიკის დეპარტამენტის მარაგებით უზრუნველყოფის სამმართველოს მარაგების უზრუნველყოფის სამსახურის სამეურნეო საქონლის უზრუნველყოფის განყოფილების წამყვანი სპეციალისტი მარიამ გელაძე.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს შსს ლოჯისტიკის დეპარტამენტის მარაგებით უზრუნველყოფის სამმართველოს მარაგებით მართვის სამსახურის შესაბამისი უფლებამოსილი პირი.

6.3. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება და ანგარიშსწორების ვალუტა

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება განხორციელდება 2022 წლის სახელმწიფო ბიუჯეტის სახსრებით, ეტაპობრივად, ფაქტიურად მიწოდებული საქონლის მიხედვით. მიღება-ჩაბარების აქტისა და შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) შსს შესაბამისი სამსახურის მიერ ეკონომიკურ დეპარტამენტში წარმოდგენის შემდეგ არაუგვიანეს 15 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3. წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

8.3. ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით.

8.4. ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 5%-ის ოდენობით.

8.5. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.6. ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის 0.5%-ის ოდენობით.

8.7. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

9.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების ვადის 20 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის პირველი და მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, საჯარო სამართლის კორპორაცია „საქართველოს სავაჭრო სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

11.3 ხელშეკრულების საბოლოო ღირებულება განისაზღვრება, შემსყიდველის მოთხოვნის შესაბამისად, ფაქტობრივად მიწოდებული შესყიდვის ობიექტის ღირებულებით, რაც არ საჭიროებს დამატებით შეთანხმებას.

12. უფლებების გადაცემა

12.1 ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

12.2. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.)

13. ღირებულება

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი: **ლაშა იაშვილი**; ტელ: **2 40-90-87; 599 48-02-04**; ელექტრონული ფოსტა: **lashaiashvili@yahoo.com**;

ბ) შემსყიდველის შემდეგი რეკვიზიტები: საკონტაქტო პირი: **მარიამ გელაძე**; ტელ: **511 11-35-01**; ელექტრონული ფოსტა: **m.geladze@mia.gov.ge**;

14.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე და ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16.6 მიმწოდებლის მიერ სახელმწიფო შესყიდვის განხორციელების ნებისმიერ ეტაპზე, სახელმწიფო შესყიდვების ერთიან ელექტრონულ სისტემაში ატვირთული ან შემსყიდველისთვის გადაცემული პერსონალური ინფორმაცია, საქართველოს შინაგან საქმეთა სამინისტროს მიერ, „პერსონალურ მონაცემთა დაცვის შესახებ“ საქართველოს კანონის შესაბამისად, შესაძლებელია დამუშავდეს სახელმწიფო შესყიდვის მიზნებისთვის.

მხარეთა მიერ გამოყენებულია ელექტრონული ხელმოწერები.

ფასების ცხრილი

პრეტენდენტის დასახელება შპს კაბადონი+

N	საქონლის დასახელება	საქონლის ძირითადი მახასიათებლები (მისაწოდებელი საქონლის მწარმოებლის/ზრუნდის და წარმოშობის ქვეყნის მითითებით)	განზომ ილება	რაოდ ენობა	ერთეუ ლის ღირებუ ლება (ლარი)	ჯამური ღირებუ ლება (ლარი)
1	ადმინისტრაციული სამართალდარღვევი ს ოქმი დანართი №9	ოქმი დაბეჭდილია თვითკოპირებად A4 ზომის 4 ერთეულ ქაღალდზე, რომლის თითოეულ ფურცელს აქვს შესაბამისი მიმღები ქაღალდი. თვითკოპირებადი ქაღალდი: თეთრი ფერის, მიმღები ქაღალდი: ყვითელი ფერის. ოქმები თერმულადაა აკინძული. აქვს 1 პერფორაციის ჰორიზონტალური ხაზი. ქაღალდის წონა: თეთრი: 55 გრ. (+/-3გრ.), ყვითელი: 53 გრ. (+/-5 გრ.) ოქმი ყოველ ფურცელზე შეიცავს შემდეგ დამცავ ნიშნებს: 1. ინდივიდუალურ ნომერს (9 ციფრი), რომელიც ანათებს ულტრაიისფერი დანათებისას; 2. დამცავ საკონტროლო ნიშანს, რომელზეც სპეციალური ფირის დადებისას იკითხება "MIA"; 3. ექსკლუზიური რღვეული სიმეტრიის დამცავ ბადეს; 4. გილიოშურ ელემენტს "როზეტი", რომელიც დაბეჭდილია ანტიკოპირებადი საღებავით; 5. ხაზის ნაცვლად გამოყენებულია მიკროტექსტი, სადაც იკითხება "საქართველოს შინაგან საქმეთა სამინისტრო". შენიშვნა: ოქმების ნომრები და ინდექსები შემსყიდველი მოთხოვნის შესაბამისად. შპს კაბადონი+, საქართველო, ბრენდი არ გააჩნია	8000	ცალი	0.44	3520

2	ადმინისტრაციული სამართალდარღვევის ს ოქმი დანართი №10	ოქმი დაბეჭდილია თვითკოპირებად A4 ზომის 3 ერთეულ ქაღალდზე, რომლის თითოეულ ფურცელს აქვს შესაბამისი მიმღები ქაღალდი. თვითკოპირებადი ქაღალდი: თეთრი ფერის, მიმღები ქაღალდი: ყვითელი ფერის. თერმულადაა აკინძული. აქვს 1 პერფორაციის ჰორიზონტალური ხაზი. ქაღალდის წონა: თეთრი: 55 გრ. (+/-3გრ.), ყვითელი: 53 გრ. (+/-5 გრ.) ოქმი ყოველ ფურცელზე შეიცავს შემდეგ დამცავ ნიშნებს: 1. ინდივიდუალურ ნომერს (9 ციფრი), რომელიც ანათებს ულტრაიისფერი დანათებისას; 2. დამცავ საკონტროლო ნიშანს, რომელზეც სპეციალური ფირის დადებისას იკითხება "MIA"; 3. ექსკლუზიური რღვეული სიმეტრიის დამცავ ბადეს; 4. გილიოშურ ელემენტს "როზეტი", რომელიც დაბეჭდილია ანტიკოპირებადი საღებავით; 5. ხაზის ნაცვლად გამოყენებულია მიკროტექსტი, სადაც იკითხება "საქართველოს შინაგან საქმეთა სამინისტრო". შენიშვნა: ოქმების ნომრები და ინდექსები შემსყიდველის მოთხოვნის შესაბამისად. შპს კაბადონი+, საქართველო, ბრენდი არ გააჩნია.	10000	ცალი	0.33	3300
სულ ჯამი: 6820 ლარი						

პრეტენდენტის ხელმოწერა _____

შენიშვნა: შესყიდვის ობიექტის მწარმოებლის/ბრენდის ან/და წარმოშობის ქვეყნის შესახებ ინფორმაციის წარმოუდგენლობა, ასევე ფასების ცხრილის წარმოუდგენლობა ან განუფასებლად წარმოდგენა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას.

პრეტენდენტი ვალდებულია საქონლის ერთეულის ფას(ებ)ი დააფიქსიროს (დაამრგვალოს) მემსყიდის სიზუსტით.

ადმინისტრაციული დაკავების ოქმი №_ 000 000 000

1. _____

შედგენის თარიღი (რიცხვი, თვე, წელი)

2. _____

შედგენის ადგილი

3. _____

ოქმის შემდგენლის სახელი, გვარი, თანამდებობა

4. დამკავებელი პირ(ებ)ი:

ა) _____

(სახელი, გვარი, თანამდებობა)

ბ) _____

(სახელი, გვარი, თანამდებობა)

გ) _____

(სახელი, გვარი, თანამდებობა)

5. დაკავებული:

ა) _____

სახელი, გვარი

ბ) _____

დაბადების თარიღი

გ) _____

სამუშაო ადგილი

დ) _____

მოქალაქეობა

ე) _____

პირადი №

ვ) _____

მისამართი

6. დაკავების დრო: _____

7. დაკავების საფუძველი:

☐ ადმინისტრაციული სამართალდარღვევის აღკვეთა (თუ ამოწურულია ზემოქმედების სხვა ზომები)

☐ პიროვნების დადგენა

☐ ადმინისტრაციულ სამართალდარღვევათა ოქმის შედგენა (თუ ოქმის შედგენა აუცილებელია, მაგრამ მისი ადგილზე შედგენა შეუძლებელია)

☐ ადმინისტრაციული სამართალდარღვევის საქმის დროულად და სწორად განხილვის უზრუნველყოფა

☐ ადმინისტრაციული სამართალდარღვევის საქმეზე მიღებული დადგენილების აღსრულების უზრუნველყოფა

8. დაკავების მოტივი:

9. ასკ-ის მუხლი ————— ნაწილი ————— ქვეპუნქტი —————

10. დაკავებულს ჩაუტარდა პირადი გასინჯვა —————

————— მიერ.
უფლებამოსილი პირის სახელი, გვარი, თანამდებობა

11. დაკავებულს ვიზუალურად აღენიშნება შესაძლო დაზიანების ნიშნები:

12. პირადი გასინჯვის დამსწრე პირები:

ა) —————
(სახელი, გვარი, ხელმოწერა)

ბ) —————
(სახელი, გვარი, ხელმოწერა)

13. დაკავებულის ნივთების გასინჯვა განხორციელდა —————

————— მიერ.
უფლებამოსილი პირის სახელი, გვარი, თანამდებობა

14. ნივთების გასინჯვის დამსწრე პირები:

ა) —————
(სახელი, გვარი, ხელმოწერა)

ბ) —————
(სახელი, გვარი, ხელმოწერა)

15. დაკავების, პირადი გასინჯვის ან/და ნივთების გასინჯვის დროს აღმოჩენილ და ჩამორთმეულ

იქნა (ჩამორთმეული ნივთების არსებობის შემთხვევაში უნდა მიეთითოს მათი სახეობა, რაოდენობა, მდგომარეობა ან სხვა მახასიათებლები):

16. შენიშვნა:

ოქმის შემდგენელი:

ხელმოწერა

დაკავებული:

ხელმოწერა

ხელმოწერაზე უარის თქმის შესახებ აღნიშვნა

ადმინისტრაციული დაკავებისთანავე დაკავებულს საქართველოს ადმინისტრაციულ სამართალდარღვევათა კოდექსის 245-ე მუხლის პირველი ნაწილის შესაბამისად განემარტა:

- მის მიერ ჩადენილი ადმინისტრაციული სამართალდარღვევის არსი და დაკავების საფუძველი
- რომ აქვს უფლება ადვოკატზე
- რომ აქვს უფლება, მისი სურვილის შემთხვევაში მისი დაკავების ფაქტი და ადგილსამყოფელი ეცნობოს მის მიერ დასახელებულ ახლობელს
- რომ აქვს უფლება, მისი სურვილის შემთხვევაში მისი დაკავების ფაქტი და ადგილსამყოფელი აგრეთვე ეცნობოს მისი სამუშაო ან სასწავლო ადგილის ადმინისტრაციას.

ადმინისტრაციული დაკავებისთანავე დაკავებულს განემარტა, რომ უფლება აქვს, ადმინისტრაციული დაკავების ოქმი დაკავებიდან 10 დღის ვადაში გაასაჩივროს პროკურორთან, ან ზემდგომ ორგანოში (ზემდგომ თანამდებობის პირთან).

პირადი გასინჯვისა და ნივთების გასინჯვის
ოქმი №_ 000 000 000

1. _____

შედგენის თარიღი (რიცხვი, თვე, წელი)

2. _____

შედგენის ადგილი

3. _____

ოქმის შემდგენლის სახელი, გვარი, თანამდებობა

4. გასასინჯი პირი:

ა) _____

სახელი, გვარი

ბ) _____

დაბადების თარიღი

გ) _____

სამუშაო ადგილი

დ) _____

მოქალაქეობა

ე) _____

პირადი №

ვ) _____

მისამართი

5. გასინჯვის დრო: _____

6. გასინჯვის საფუძველი:

☐ ადმინისტრაციული სამართალდარღვევის აღკვეთა (თუ ამოწურულია ზემოქმედების სხვა ზომები)

☐ პიროვნების დადგენა

☐ ადმინისტრაციულ სამართალდარღვევათა ოქმის შედგენა (თუ ოქმის შედგენა აუცილებელია, მაგრამ მისი ადგილზე შედგენა შეუძლებელია)

☐ ადმინისტრაციული სამართალდარღვევის საქმის დროულად და სწორად განხილვის უზრუნველყოფა

☐ ადმინისტრაციული სამართალდარღვევის საქმეზე მიღებული დადგენილების აღსრულების უზრუნველყოფა

7. გასინჯვის მოტივი:

8. ასკ-ის მუხლი _____ ნაწილი _____ ქვეპუნქტი _____

9. პირს პირადი გასინჯვა ჩაუტარდა _____

_____ მიერ.

უფლებამოსილი პირის სახელი, გვარი, თანამდებობა, სქესი

10. პირადი გასინჯვის დამსწრე პირები:

ა) _____

(სახელი, გვარი, ხელმოწერა)

ბ) _____

(სახელი, გვარი, ხელმოწერა)

11. პირის ნივთების გასინჯვა განხორციელდა _____

_____ მიერ.

უფლებამოსილი პირის სახელი, გვარი, თანამდებობა

12. ნივთების გასინჯვის დამსწრე პირები:

ა) _____

(სახელი, გვარი, ხელმოწერა)

ბ) _____

(სახელი, გვარი, ხელმოწერა)

13. პირადი გასინჯვის ან/და ნივთების გასინჯვის დროს აღმოჩენილ და ჩამორთმეულ იქნა (ჩამორთმეული ნივთების არსებობის შემთხვევაში უნდა მიეთითოს მათი სახეობა, რაოდენობა, მდგომარეობა ან სხვა მახასიათებლები):

14. შენიშვნა:

ოქმის შემდგენელი:

ხელმოწერა

პირი, რომლის მიმართაც განხორციელდა

პირადი გასინჯვა / ნივთების გასინჯვა:

ხელმოწერა

ხელმოწერაზე უარის თქმის შესახებ აღნიშვნა

პირადი გასინჯვისა და ნივთების გასინჯვისას პირს განემარტა, რომ უფლება აქვს, პირადი გასინჯვისა და ნივთების გასინჯვის ოქმი დაკავებიდან 10 დღის ვადაში გაასაჩივროს პროკურორთან, ან ზემდგომ ორგანოში (ზემდგომ თანამდებობის პირთან).
